

四庫全書

集部

欽定四庫全書

文苑英華卷二百二十九 宋 李昉等 編

道門五

送贈道人五十九首 送宮人入道五首

送贈道人

靈都觀李道士

張 籍

仙集作山觀雨未靜繞房瓊草春素書天上字花洞古時

人泥竈煮靈液掃壇朝玉真幾迴遊閨苑青節亦隨身

贈山中女道士

集作不食姑

前人

女仙唯獨住

集作幾年山裏住

已作綠毛身護氣常虛

集作稀

語

齋心

集作存思

自見神養龜同不食留藥任生塵要問西王

母仙中第幾人

送陰

集作徐

先生歸蜀

前人

日暮遠歸處雲間仙觀鍾唯持青玉牒獨上碧鶴峰陰

洞新生

集作長收

乳寒泉舊養龍幾時因賣藥得向海邊逢

道

一作隱

者

見二百三十二卷

贈道士宜師

前人

自到皇城得幾年，巴僮蜀馬共隨緣。  
兩朝侍從當時貴，五字聲名遠處傳。  
舊住江樓集作紅樓通內院，新承墨詔賜齋錢。  
閒坊暫喜居相近，還得陪師坐竹邊。

送胡鍊師王屋山

前人

玉陽峰下學長生，洞府仙中已有名。  
獨戴熊鬚冠暫出，唯將鶴尾扇同行。  
鍊成雲母休炊爨，召得雷公當吏兵。  
却到天壇上頭宿，應聞空裏步虛聲。

中元日看諸道士步虛

殷堯藩

玄都開秘籙白石禮先生上界秋光淨中元夜景清星  
辰朝帝處鸞鶴步虛聲玉樹花難老珠宮月最明掃壇  
天地肅投簡鬼神驚儻賜刀圭藥還留不死名

贈溫

集作王

尊師

姚合

先生自說瀛洲路多在青松白石間海岸夜中常見月  
仙宮深處却無山大犬隨鶴去遊諸洞龍作人來問大還  
今日偶聞塵外事朝簪未擲復何顏

贈王道士

于武陵

日日市朝路何時無苦辛不隨丹竈客終作白頭人浮  
世度千載桃源方一春歸來華表上應咲北邙塵

天柱山贈峨嵋田道士

施肩吾

古稱天柱連九天峨嵋道士棲其巔近聞教得玄鶴舞  
試憑驅出青芝田

贈道者

士一作

朱慶餘

自識來清瘦尋常語論真藥成休仗火符驗不傳人獨

有年過鶴長無病到身潛教問弟子居處與誰隣

山中道士

賈島

頭髮梳千下休糧帶瘦容養雖成老

集作大

鶴種子作高

松白石通宵煮寒泉盡日春不曾離隱處那得世人逢

送道者

前人

獨向山中見今朝又別離一心無挂住萬里獨何之到  
處絕烟火逢人話古時此行無弟子白犬自相隨

送胡道士

前人

短褐身披滿憤

集作清野

苔靈溪深處觀門開却從城裏携

琴去許到山中寄藥來灑雪

集作臨水

古壇秋醮後

集作罷

啄

查寒鳥暮飛迴

集作宿杉幽鳥夜飛迴

未遊彼地空勞想師往如

雲不可陪

集作丹梯頭逐真人上日夕歸心白髮催

### 贈王尊師

劉得仁

為道常日損尊師脩此心掛肩黃布被穿髮白蒿簪符  
札靈砂字絃彈古素琴囊中常有藥點土亦成金

### 山中尋道人不遇

前人



年過羽冠風塵裏常擬隨師學鍊形石路特來尋道者  
雲房空見有仙經基於松底留殘局鶴向潭邊退數翎  
便欲此居閒到老先生何日下青冥

送張尊師歸洞庭

許渾

能琴道士洞庭西風滿歸帆路不迷對岸水花霜後淺  
傍簷山果雨來低杉松近晚移丹竈巖谷初寒蓋藥畦  
他日相思一行字誰人知處武陵溪

寄崔先生

溫庭筠

往年江海別元卿家近山陽古郡城蓮浦一作沼香中離  
席散柳堤風裏釣舡橫星霜荏苒無音信烟水微茫變  
姓名菰黍正肥魚正美五侯門下負平生

敬答李先生

前人

七里灘聲舜廟前杏花初盛草芊芊綠昏晴氣春風岸  
紅漾輕輪野水天不為傷離成極望更因行樂惜流年  
一瓢無事麕裘暖手弄溪波坐釣舡

雪中寄殷道士

方干

大片紛紛小片輕雨和風激

集作繫

更縱橫園林入夜寒

光動窻戶凌晨濕氣生蔽野吞村飄未歇摧巢壓竹密

無聲山陰高

集道

士多吟興六出花邊五字成

因話天台勝異仍送羅道士 前人

積翠千層一逕開盤紆

集作遙盤

山腹到瓊臺藕花飄落前

巖去桂子流從別洞來石上叢林礙星斗窻邊瀑布走

風雷縱云孤鶴無留滯亦

集作宅

恐烟蘿不放迴

贈天台葉尊師

前人

莫

一作難

見平明離少室須知

集作須猶

薄暮入天台常時愛

縮山川去有夜自

一作曾

携星月來靈藥不知何代得古

松應是少年栽先生暗笑着

一作觀

碁者半局碁邊白髮

催

此詩二百六十二卷重出今已削去注異同為一

作

送道人歸舊巖

前人

舊巖終副却歸期巖下有人應識師目覩嬰孩成老叟

手栽松柏有枯枝前山低校無多地東海淺於初去時  
若把古今相比類姓丁仙鶴亦如斯

賦得送軒轅先生歸羅浮山 李 洞

仙山歸隱浪搖青綠髮雙腫一帙經符帖布帆猿鳥看  
鶴剪金鼎鬼神聽洞深頭上覺舡過樓靜鼻中聞海腥  
此處先生應不住吾君南望謾勞形

贈玉芝觀王尊師 雍 陶

處處烟霞尋總遍却來城市喜逢師時流見說無人在

年紀唯應有鶴知  
大藥已成寧畏晚  
小松初種不嫌遲  
長憂一日歸天去  
未授靈方遣問誰

玄都觀李尊師

喻鳧

蘇幘翠髯公

一作微翁

存思古觀空  
曉壇檉葉露  
晴圃柳花

一作杏花  
集作木苗

風壽已將椿  
竝碁難見局  
終何當與高鶴飛

去海光中

送羽人王錫歸羅浮

曹唐

風前整頓紫荷

集作霞

巾常

集作歸

向羅浮保

集作報

養神石

磴倚天行帶月鐵橋通海入無塵

一作津

龍蛇出洞閒邀

雨犀象眠花不避人最愛葛洪尋藥處露苗烟藥

一作雨

蒲山春

送劉尊師祇詔闕庭三首

前人

海風葉葉駕霓旌天路悠悠接上清錦誥淒涼遺去恨  
玉簫哀絕醉離情五湖夜月幡幢濕雙闕清風斂珮輕

從此

集作莫道

暫辭華表柱更

集作已

應千載是歸程

二

五峯已

此集作

別隔人間雙闕何年許再還既掃

集作山

川收地脉須留日月駐天顏霞觴共飲身雖在風馭今

集作

陪跡

集作

未閑從此枕中唯

集作

有夢夢魂何處

訪三山

三

仙老閒眠碧草堂帝書徵入白雲鄉龜臺欲署長生籍  
鸞殿邀論不死方莖露想傾延命酒素烟思爇降真香  
五千言外無文字更有何詞贈武皇



贈華陽宋真人兼寄清都劉先生

李商隱

淪謫千年別帝宸至今猶識

集作謝

藥珠人但驚茅許多

玄分

集作洞  
仙籍

不記盧劉是世親玉檢賜書迷鳳籙

集作篆

金華歸駕冷龍鱗不因杖屨逢周史徐甲何曾有此身

送費鍊師供奉赴上都

姚鵠

縮地周遊不計程古今應只有先生已同化鶴臨華表  
又見驟龍向玉清蘿磴靜攀雲共過雪壇當醮月孤明

無因相逐朝天帝空羨烟霞得送迎

贈道士

項斯

見來知養氣度日語時稀到處唯開井經寒不絮衣病鄉多藥惠鬼谷有符威自說身輕健今來數夢飛

華頂道士

前人

仙人掌中住坐有上天期已廢燒丹處猶多種杏時養龍於淺水寄鶴在高枝得道復無事相逢盡日碁

秦中逢王先生

趙嘏

萬萬東流不一迴先生獨此負仙才  
藥宮橫浪海邊別鶴翅駐雲天上  
來幾處吹簫森羽衛誰家殘日下樓臺  
青春正好分瓊液乞取當時白玉杯

贈王先生

前人

太一真人隱翠霞早年曾降蔡經家  
羽衣使者峭於鶴鳥爪侍娘飄若花  
九鼎欄干歸馬齒三山窈窕步雲涯  
時因弟子偷靈藥散落人間駐一作潤物華

贈道者

前人

華蓋飄飄綠鬢翁往來朝謁藥珠宮幾年山下陰陽鼎  
盡日澗邊桃李風野跡似雲無處著仙容如水與誰同  
應憐有客外妻子思在長生一顧中

一作  
諾中

王先生不別而去

前人

仙翁歸袖拂烟霓一卷素書還獨携  
斲藥滿囊身不病抱琴何處鶴同棲  
霑衣盡日看山坐搔首殘春向路迷  
樹樹白雲幽徑絕短舡空倚武陵溪

送趙道士歸天目舊山

薛能

愚朴尚公平此心憐道情有祿終自鄙何計逐師行日  
者聞高躅時人蓋強名口無滋味入身欲羽儀生表乞

還鄉速

集作遠

詩曾對御成土毛徵

一作珍

到越塵髮捲離

京符呪風雷惡朝脩月露清觀臨天目頂

集作秀

家住海

濤聲導引圖看足叅同註解精休糧一擬問忽

集作葱

草

俟迴程

別道者

劉駕

自君入城市北邙無新墳始信壺中藥不落白楊根如

何忽告歸薜華還笑人玉笙無遺音恨望緱嶺雲

贈王道士

周賀

藥力資蒼鬢應非舊日身一為嵩岳客幾塋洛陽人石  
縫飄探水雲根斧斷新關西來往路誰得水銀銀

送梁道士

周朴

舊居桐栢觀歸去愛安閒倒樹造新屋化人脩古壇晚  
花霜後落山雨夜深寒應有同溪客相尋學鍊丹

謫仙吟贈趙道士

李羣玉

汗漫東遊黃鶴雛縉雲仙子住清都三元麟鳳推高座  
六甲風雷閔小壺日月暗資靈壽藥山河直擬一作常值化  
生符若為失意居蓬島鰲足塵飛桑樹枯

送秦鍊師

陳陶

紫府靜沉沉松軒思別吟

集作到琴

水流寧有意雲泛本無

心錦洞桃花遠青山竹葉深不因時賣藥何路更相尋

溪行寄道侶

張

祜見本集

白日長多事清溪偶獨尋雲歸秋水濶月出夜山深坐

想天涯去行悲澤畔吟東郊古人在應笑未抽簪

訪嵩陽道士不遇

聶夷中

先生五岳遊文焰滅金鼎日

一作月

下鶴過時人間空落

影常言一粒藥不隨死生境何當列禦寇去問仙人請

送何道士歸山

張喬

身非絕粒本清羸東掛仙經杖一枝落葉自隨

一作遠路獨尋

流水去深山長與白雲期樹臨丹竈寒花疾壇近清風

夜月遲樵客若能

一作隨

過洞裏迴歸人世始應悲



寄中岳顓頊先生

前人

先生顓頊後得道言何人松栢早於壽兒孫老却身夜  
窻峯頂曙寒澗洞中春戀此逍遙景雲間不可親

贈崔道士

杜荀鶴

四海干戈無靜處人家廢業望烽烟九華道士渾如夢  
猶向罇前笑揭天

送鄒尊師歸洞庭

楊逵

衆島在波心曾居

一作

舊隱林近聞飛檄急轉憶卧雲

深賣藥唯供酒歸舟只載琴遙知明月夜坐石自開襟

遇道者

張蠟

數里白雲裏身輕無履蹤故尋多不見偶到即相逢古

井生雲水高

集作幽

壇出異松聊看杏花酌便似換顏容

贈道者

前人

得道疑人識都城獨閉關頭從白後黑心向關中閒饑  
渴唯調氣兒孫亦駐顏始知仙者隱殊不在深山

送芮尊師

王貞白

石上菖蒲節節靈先生服食得長生早年避世憂身老  
近日登山覺步輕黃鶴待傳蓬島信丹書應換藥宮名  
他年控鯉昇天去廬岳逋民願從行

寄程尊師

羅隱

鶴信雖然至

集作到

五湖烟波迢遞路崎嶇玉書分薄花

生眼金鼎功遲雪滿鬚三秀紫芝勞夢寐一番紅槿恨  
朝晡未知朽敗几間骨中授先生指教無

第五將軍於餘杭天柱觀

集作宮

入道因有題寄

前人

交梨火棗味何如聞說苔川已卜居

一作下車

瓦榼尚携京

口酒草堂應寫頴陽書亦知得意須乘鶴未必忘機便

釣魚即

集作却

恐武皇還望祝軟輪徵入問玄虛

寄聶尊師

前人

欲艾荆棘種交梨指畫城中日恐遲安得紫青磨鏡石  
與君閒處看榮衰

逢道者神和子

前人

珍重神和子聞名五十年童顏終不改綠髮尚依然酒  
裏消閒日人間作散仙長生如可慕相逐隱林泉

贈道人

曹松

住山因以福為庭便向山中隱姓名閨苑駕將雕羽去  
洞天贏得綠毛生日邊腸胃飡霞火月裏肌膚飲露英  
顧我從來斷浮濁擬驅雞犬上三清

訪道士

裴說

高岡微雨後未

一作木

脫草堂新惟有踈慵者來看淡薄

人竹芽生碍路松子落敲巾粗得玄中趣當期宿話頻

送宮人入道

王建

休梳叢鬢洗紅粧頭帶芙蓉出未央弟子抄留集作將歌

遍疊宮人分盡集作散舞衣裳問師初得經中字入靜獨

燒內裏香發願蓬萊見王母却歸闕下集作人世一作城闕施仙方

同前

張籍

舊寵昭陽裏求集作尋仙此最稀名雖集作初出宮籍身未

稱霞衣已別歌舞貴長隨鸞鶴飛中官看入洞空駕玉

輪歸

同前

于鵠

十五吹簫入漢宮  
看脩水殿種芙蓉  
自傷白髮辭金屋  
許著黃衣向雪峰  
解語老猿開曉戶  
學飛雛鶴落高松  
定知別後宮中伴  
遙聽緱山半夜鍾

同前

張蕭逢

捨寵求仙畏色衰  
辭天素面立階墀  
金丹擬駐千年貌  
玉指休勻八字眉  
師主與收珠翠後  
君王看戴角冠時

從來宮女皆相妬聞向瑤臺盡淚垂

同前


項斯

願隨仙女董雙成王母前頭結

百家詩選作伴

行初戴玉冠

多悞拜欲辭金殿別稱名將敲碧落新齋磬却進昭陽  
舊賜第旦暮焚香遶壇上步虛猶作按歌聲





文苑英華卷二百二十九

欽定四庫全書

集部

文苑英華卷二百三十一

詳校官太僕寺少卿臣李廷欽

助教臣常循覆勘

總校官進士臣朱鈐

校對官編修臣盧燧

謄錄監生臣張士琛

欽定四庫全書

文苑英華卷一百三十

宋李昉等編

隱逸一

徵君三十一首

居士十首

處士三十一首

徵君

答何徵君

任昉

散誕羈勒外拘束名教裏得性千年同山林亦一作無朝

市勿以耕蠶貴空笑易農士宿昔仰高山超然絕塵軌  
傾壺已等藥命管亦齊喜為歎君獨遊若路一作方同  
止

一作皆藝文類聚

贈徐徵君

前人

促生悲永路早交傷晚別自我隔容徽於焉積歲月情  
非山河阻意似江湖悅東臯有儒素杳與榮名絕曾是  
違賞心曷用箴余缺眇焉追平生塵書廢不閱信此伊

能已懷抱豈暫輟何以表相思貞松擅嚴一作巖節

贈李徵君大壽

王 纘

孔淳辭散騎陸昶謝中郎幅巾朝帝罷策杖去官忙附  
車還趙郡乘船向武昌九徵書未已十辟譽彌彰副君  
迎綺季天子送嚴光霸陵幽徑近磻溪隱路長編蓬還  
作室績草更為裳會稽置樵處蘭陵賣藥行看書惟道  
德開教止農桑別有懷幽侶由來高讓王前年辭厚幣  
今歲返寒鄉有書橫石架無氊坐土牀蘭英猶足釀竹

寶本無糧澗松寒轉直山菊秋自香  
管寧存祭禮王霸重朝章  
去去相隨去披裘驕盛唐

答田徵君

宋之問

家臨清溪水溪水遶盤石  
綠蘿四面垂裊裊百餘尺  
風泉度絲管苔蘚鋪茵席  
傳聞潁陽人霞外漱靈液  
忽枉巖中翰吟卧朝復夕  
何處文粹作當遂遠遊物色候逋客

徵君宅今祇洹寺是

許景光

徵君昔嘉遁抗跡遺俗塵  
了心悟有物乘化遊一作無

垠道喪歷千載復存賴陽真上虞佳山水晚歲耽隱淪  
內史既解綬支公亦相親儒道匪遠理意勝聊自欣洄  
沿南溪夕流浪東山春石壁踐丹景金潭冒綠蘋探鍊  
備海嶠賞心寓情人奈何靈仙骨鍛一作翮瑶池津寥  
寥虛白字夙勑招提因家風緬多尚玄德謝無隣謬陪  
金門彥矯跡侍紫宸皇恩竟已矣遺烈庶不泯

行至汝墳寄盧徵君

孟浩然

行乏憇余駕依然見汝墳洛川方罷雪嵩嶂有殘雲曳

曳半空裏明明五色分聊題一時興因寄盧徵君

贈楊

集作陽

徵君鴻

此公時被徵

李白

陶令辭彭澤梁鴻入會稽我尋高士傳君與古人齊雲  
卧留丹壑天書降紫泥不知楊伯起早晚向關西

寄趙徵君蕤

前人

吳會一浮雲飄如遠行客功業莫從就歲光屢奔迫良  
圖俄棄捐衰疾乃綿劇古琴藏虛匣長劍挂空壁楚懷  
奏鍾儀越吟比莊舄國門遙天外鄉路遠山隔朝憶相



如臺夜望子雲宅旅情初結緝秋氣風寂歷風入松下  
清露出草間白故人不在此而我誰與適寄書西飛鴻  
贈爾慰離析

尋廬山崔徵君

丘為

日高鷄犬靜門掩向寒塘夜竹深茆宇秋庭冷石牀住  
山年已遠服藥壽偏長虛棄浮生者相逢益自傷

家叔徵君東溪草堂作二首 廬象

關山十餘里青壁森相倚欲識堯時人

一作天

東溪白足

雲

一作

是雷聲轉幽壑雲氣相表裏

一作香流水

澗影生蟲蛇

巖端翳檉

一作化

梓大道終不易君恩曷能已鶴蓋

一作羨

無老時龜言攝生理浮年笑六甲元化潛一指未暇掃

雲梯空慙阮家

一作子氏

二

今朝共遊者得性閒未歸已到仙人家莫驚鷗鳥飛水  
深巖公釣松挂巢父衣雲氣轉幽寂溪流無是非名理  
未足羨腥臊誰

文粹作詎

所希自惟負真意何歲

一作年

當食

薇

自鄱陽還中道寄褚徵君

劉長卿

南風日夜起萬里孤帆漾元氣連洞庭夕陽洛波上故  
人烟水隔復此遥相望江信久寂寥楚雲獨惆悵愛君  
清川口弄月時棹唱白首無子孫一生自踈曠

同王徵君洞中有懷

張謂

八月洞庭秋瀟湘水北流還家萬里夢為客五更愁不  
用開書篋

集作帙

偏宜上酒樓故人京洛滿何日復同遊

送孔徵君

皇甫魯

谷口幽

集作山

多處君歸不可尋  
家貧清史在身老  
白雲

深掃雪開松逕  
疏泉過竹林  
余

集作餘

生負丘壑相送亦

何心

陪王郎中尋孔徵君

韋應物

俗吏閒居少同人  
會面難偶隨香署  
客來訪竹林  
賢暮館花微落  
春城雨暫寒  
甕間聊共酌  
莫使宦情闌

酬秦徵君徐少府春日見寄

集作奉酬秦徵君系春日撫州西亭

野望無寄  
徐少府

前 人

終日愧無政與君聊散襟  
城根山半腹亭影水中心  
朗詠竹窻靜野情花逕深  
那能有餘興不作剡溪尋

此詩三百十五卷重出今已削去

送戴三徵君還谷口舊居

釋理瑩

巖穴多遺秀弓車屢遠招  
周王尊渭叟潁客傲唐堯  
出處天波洽關河地勢遙  
瞻星吳郡夜作霧華山朝  
清論虛重席閒居挂一瓢  
漁歌思坐酌宸渥寵行軺  
春為荷

裳暖霜因葛履消層崖懸瀑溜萬壑振清飈谷鳥猶作一作

還遷木場駒正

一作會

食苗謝安何日起台鼎佇君調

送駱徵君

陳潤

野人膺辟命溪上掩柴扉黃卷猶將去青山肯更歸馬  
留苔鮮跡人脫薜蘿衣他日相思處天邊望少微

經李徵君故居

溫庭筠

霧濃烟重草淒淒樹映欄干柳拂堤一院落花無客醉  
五更殘月有鶯啼芳筵想像情難盡故榭荒涼路已迷

風景宛然人自改

集作惆悵羸  
驂往來慣

却集作  
每

經門巷馬

集作  
亦

頻嘶

贈鄭徵君

集作題鄭徵君家匡山  
首春與丞相贊皇公遊

前人

一拋蘭棹逐燕鴻  
曾向江湖識謝公  
每到朱門還悵望  
故山多在畫屏中

九華山費徵君所居

羅隱

草堂何處試徘徊  
見說遺蹤向此開  
蟾桂自歸三徑後

鶴書曾向九天來白雲事跡雖然

集作  
依前

在青瑣光陰竟

不迴盡日

集作  
夕

為君思曩昔

集作曩日  
一作往日

野泉鳴咽路莓

苔

### 居士

早春贈別趙居士還江左時長卿下第歸嵩陽

### 舊居

劉長卿

見君風塵裏意出風塵外自有滄洲期含情十餘載深

居鳳城曲

一作  
北

日預龍華會果有

集作  
得

僧家緣能遺俗



人態一身今已適萬物知何愛悟法電已空看心水無

礙

一作碍

且將窮妙理兼欲

一作亦

尋勝槩何獨謝客遊當

為遠公輩放舟馳楚郭負杖辭秦塞自送南飛雲令人

想吳會遙思舊遊處髣髴疑相對夜火金陵城春烟石

頭瀨滄波極天末萬里明如帶一片孤客帆飄然向殘

一作青

靄楚天含江氣雲色常靈靄隱見湖中山相連數

州內君行意可得全與時人背歸路隨楓林還鄉念導

萊顧予尚羈束何幸承盼睐素願徒自勤清機本難速

累年忝賓薦末路逢沙汰  
濩落名不成徘徊意空大  
逢時雖一作難貴達守道甘  
易退逆旅鄉夢頻春風客  
心碎別君日已遠離念無  
明晦予亦還柴荆山田事  
耕耒

送薛居士和州讀書

嚴維

孤雲獨鶴共悠悠萬卷經  
書一葉舟楚地巢城民舍  
少村烟杜樹鷺湖秋蒿萊  
織女晨炊黍籬落耕童夕  
放牛年少不應辭苦節諸  
生若遇亦封侯

自青山詣於潛道中作呈元八居士

釋靈一

茗水灘行淺潛州路漸深參差遠岫

一作村

色迢遞野人

心凍澗冰難釋秋山月易陰不知天目下何處訪雲林

此詩二百九十三卷重出今已削去注異同為一

作

欲尋天目先問元駱二居士

已見一百六十六卷

送沈居士還太原

釋皎然

辭鄉因世難家族盛南朝名重郊居賦

沈休文作郊居賦

才高

獨酌謠

沈文子作

浪花飄一葉峯色向三條高逸雖成性弓

旌肯妄招

秋宵即事示崔居士

前人

禪性愛方丈寂寥無四鄰秋天月色正清夜道心真大  
夢觀遺跡浮名悞此身不知庭樹意榮落感何人

滑中贈崔高士

王季友

夫子保藥命外身得無咎日月不能老化腸為

一作筋

否十年前見君甲子過我壽云何今相逢華髮在我後

近而知其遠少見今白首遙信蓬萊宮不死世世有玄  
石米盈檐神方秘其肘問家唯指雲意氣常言酒攝生  
固如此履道當不朽未能太虛同願亦天地久實腸以  
芝朮賤形乃芻狗自勉將勉余良藥在苦口

此詩三百四十卷重出今已削去

留題杜居士

許渾

松偃石牀平何人識姓名溪水寒棹響崑雪夜窻明機  
盡心猿伏神閒意馬行應知此來客身世兩無情

贈滔口苗居士

鄭谷

歲晏樂園林維摩契道心江雲寒不散庭雪夜方深酒  
勸漁人飲詩憐稚子吟四郊多壘日勉我捨朝簪

敷溪高士

前人

敷溪南岸掩柴荆掛却朝衣愛淨名閒得林園栽樹法  
喜聞兒姪讀書聲眠窻日暖添幽夢步野風清散酒醒  
謫去徵還何擾擾片雲相伴着衰榮

處士

贈周處士

庾信

見類聚

九丹開石室三徑沒荒林仙人翻可見隱士更難尋  
籬下黃花菊丘中白雪琴方欣松葉酒自和遊仙吟

尋周處士宏讓

前人

試逐赤松遊披林對一丘梨紅大谷晚桂白小山秋  
石鏡菱花發桐門琴曲愁集作曲道泉飛疑度雨雲積似重樓  
王孫若不去山中定可留

贈周處士

王褒

我行無歲月征馬屢盤桓峭曲三危阻關重九折難猶

持漢使節尚服楚臣冠巢禽疑上幙驚羽畏虛彈飛蓬

鴻一作

去不已客思

念一作

漸無端壯志與時歇生年隨事

闌百齡悲促命數刻念餘懼雲生隴坻黑桑疎薊北寒

鳥道無蹊逕清瀨

類聚作溪

有波瀾思君化羽翮要我鑄金

丹

別周處士

一作尚書

宏正

庾信

扶風天桂

一作石橋

北函谷故關前此中一分手相逢知幾



年黃鶴遂反顧徘徊一作戀應愴然自知悲不已徒勞減  
瑟絃

此詩二百六十六卷重出今已削去注異同為一  
作

還草堂尋處士弟

周宏正

歲時易荏苒百齡倏將半故老多零落山僧盡離散宿  
樹倒為查舊水侵成岸幽尋屬令弟依然歸舊館感物  
自多傷况乃春鶯亂

贈程處士

王績

百年長擾擾萬事悉悠悠日光隨意樂

集作落

河水任情

流禮樂囚

集作因

姬旦詩書縛

集作傳

孔丘不如高枕枕時

取醉消愁

贈衛八處士

杜甫

人生不相見動如參與商今夕復何夕共此燈燭光少壯能幾時鬢髮各已蒼訪舊半為鬼驚呼熱中腸焉知二十載重上君子堂昔別君未婚兒女忽成行怡然敬

父執問我來何方問答乃未已集作未及驅兒羅酒漿夜雨  
剪春韭新炊間黃粱主稱會面難一舉累十觴十觴亦  
不醉感子故意長明日隔山岳世事兩茫茫

留別龔處士

李白

龔子棲閒地都無人世喧柳深陶令宅竹暗辟疆園我  
去黃牛峽遙愁白帝猿贈君卷施草心斷竟何言

贈丹陽周處士惟長

前人

周子橫山隱開門臨城隅連峰入戶牖勝槩凌方壺時

枉白紵詞放歌丹陽湖水色傲溟渤川光秀菰蒲當其  
得意時心與天壤俱閒雲隨舒卷安議集作身有無抱  
石耻獻玉沉泉笑探珠羽化如可作携手集作上清都

贈張公洲革處士

前人

列子居鄭圃不將衆庶分革侯一作卓然遁南浦常恐楚人

聞抱甕灌秋蔬心門遊天雲每將瓜田叟耕種漢水濱  
時登張公洲入獸不亂群并無桔槔事門絕刺繡文長  
揖二十石遠辭百里君斯為真隱者吾黨慕清芬

巴陵別劉處士

王昌齡

劉生隱岳陽心遠洞庭水  
偃帆入山郭一宿楚雲裏  
竹映秋館深月寒江風起  
烟波桂陽接日夕數千里  
嫋嫋清夜猿孤舟坐如此  
湖中有來鴈雨雪候音旨

過湖南羊處士別業

劉長卿

杜門成白首湖上寄生涯  
秋草無

集作燕

三逕寒塘獨一

家鳥歸村落靜水向縣城斜  
愛子醒還醉離東菊正花

集作自有東籬

菊年年解作花

過終南山柳處士

司空曙

雲起山蒼蒼，林居蘿薜荒。  
幽人老深境，素髮與青裳。  
雨滌莓苔綠，風搖菡萏香。  
洞泉分派一作流淺，巖笋出叢長。  
敗屨安松砌，餘碁在石牀。  
書名一為別，還路已堪傷。

因省風俗訪處士，姪不見題壁。

韋應物

去年澗水今亦流，去年杏花今又折。  
山人却歸來問誰，還是去年行春客。

潘處士宅會別

戴叔倫

相邀寒影晚，惜別故山空。  
隣里疎林在，池塘野水通。  
十年難遇後，一醉幾人同。  
復此悲行子，蕭蕭逐遠蓬。

留別宋處士

前人

留歡方繼燭，此會豈他人。  
鄉里遊從舊，兒童內外親。  
夜深愁不醉，老去別何頻。  
莫折園中柳，相看惜暮春。

待漏假寐夢歸江東舊居，因寄惠閣梨茅處士

時德輿東政  
未果會故也

權德輿

十年江浦卧郊園  
閒夜分明結夢魂  
舍下烟蘿通古寺  
湖中雲雨到前軒  
南宗長老知心法  
東郭先生識化源  
覺後忽聞清漏曉  
又隨簪佩入君門

送李處士歸弋陽山居

前人

甃來城市意何如  
却憶葛陽溪上居  
不憚薄田輸井稅  
自將佳句著州閭  
波翻極浦檣竿出  
霜落秋郊樹影疎  
想到家山無俗侶  
逢迎只是坐籃輿

勞山居寄呈吳處士

釋皎然



山事由來別尺應中老身寒園掃綻粟秋浪拾乾薪

楚人

呼養柴為柴浪

領鶴閒書竹誇雲笑向人俗家

一作流

相去遠野

水作東隣

同前

前人

官居鼎鼎古今無名世才臣獨一余賢閣御題龍墨燦  
詔歸補袞在須臾

贈王處士

王建

松樹當街雪滿地青山掩障碧紗帷鼠來案下長

集作上常

偷水鶴在牀前亦看菖道士寫將行氣法家僮授與步

虛詞世間有似君應少便

一作願

乞從今作我師

送盧處士歸嵩山別業

劉禹錫

世業嵩陽

集作山

隱雲深無四隣藥鑪燒姹女酒甕貯賢

人晚日華陰霧秋風函谷塵送君從此去鈴閣少談賓

經王處士原居

張籍

舊宅誰相近唯僧近竹關庭寒雲滿井窻曉雪通山來  
客半留宿借書多寄遠明時未中歲莫便一生閒

寄梅處士

前人

擾擾人間足是非

集作是  
與非

官閒自覺省心機六街班裏

身常下九列符中事且

集作亦

稀市客慣曾賒賤藥家童

驚見着新衣君今獨得居山樂應笑多時未辨歸

送耿處士

賈島

一鉗離別酒未盡即言行萬水千山路孤舟幾月程川  
原秋色靜蘆葦晚風輕迢遞不歸客人傳虛隱名

憶吳處士

前人

半夜長安雨燈前越客吟孤舟行一月萬水與千岑島嶼夏雲起汀洲芳草深何當折松葉拂石剡溪陰

憶江山吳處士

前人

閩國揚帆去蟾虧還復圓

集作蟾蜍虧復圓

秋風吟渭水落葉

滿長安此地聚會久

集作夕

當時雷雨寒蘭橈殊未返消

息海雲端

尋陳處士山堂

劉得仁

步溪几幾轉始得見幽蹤地

集作路

隱千根樹門

集作房

開

萬仞峰片雲生石竇淺水臥枯松窮谷風光冷深山翠

碧

集作越

濃鶴看空裏過仙向坐中逢底露秋潭水

集作石

聲微迴觀鍾暮年來此定異日願相容且喜今歸去人

間事更

集作事慵

訪曲江胡處士

前人

何況歸山後而今已似仙卜居天苑畔閒步禁樓前落

日明沙岸微風上紙鳶靜還林石畔

一作下

坐讀養生篇

送姚處士歸亳州

前人

白髮麻衣破還譙別弟迴首垂聽樂淚花落待歌盃石  
路尋芝熟柴門有鹿來明王下徵詔應就碧峰開

題王處士山居

前人

茅堂入谷遠林暗絕其隣終日有流水經年無到人溪  
雲常欲雨山洞別開春自得仙家術栽松獨養真

文苑英華卷二百三十

欽定四庫全書

文苑英華卷二百三十一 宋 李昉等 編

隱逸二

處士四十五首

山人二十一首

處士

春日送麗處士歸龍山

釋無可

愛弟直霜臺  
家山羨獨迴  
出門時返顧  
何日更西來  
柳亦臨闕發  
花應到越開  
漁舟誰伴上  
依舊恣沿洄

酬吳處士

一作寄  
朱慶餘

周賀

已當聽鴈夜多事不

一作少

同居故疾離城晚秋霖九月

踈趨

一作聽

鐘開靜戶帶

一作掃

葉卷殘

一作開

書蕩

一作盪

槩

期南去荒園久廢鋤

此詩二百四十六卷二百六十一卷重出並已削

去注異同為一作

送沈處士赴蘇州李中丞招以詩贈行

杜牧



山城樹葉紅下有碧溪水溪橋向吳路酒旗誇酒美下  
馬此送君高歌為君醉念君抱材能百工在城壘空山  
三十年鹿裘挂窓睡自言隴西公飄然我知己舉酒屬  
吳門今朝為君起懸弓三百斤囊書數萬紙戰賊即戰  
賊為吏即為吏盡我所有無惟公之指使予曰隴西公  
滔滔大君子常思掄羣材一為國家治譬如匠見木礙  
眼皆不棄大者麤十圍小者細一指楮楸與棟梁施之  
皆有位忽然豎明堂一揮立能致子亦何為者亦受公

恩紀處士常有言殘賊為犬豕常恨兩手空不得一馬  
箠今依隴西公如虎傳兩翅公非刺史材當坐巖廊地  
處士瑰竒姿必展平生志東吳饒風光翠嶽多名寺踈  
煙疊疊秋獨酌平生思因書問故人能忘批紙尾公或  
憶姓名為說都憔悴

贈宣州元處士

前人

陵陽北郭隱身世兩忘者蓬蒿三畝居寬於一天下蹲

酒一作前對不酌默一作密與玄相話人生自不足愛嘆遭

逢寡

此詩二百六十一卷重出今已削去注異同為一作

題韋處士山居

集作題韋  
隱居西齋

許渾

斲藥去還歸家人半掩扉山風藤子落溪雨

集作水

豆花

肥寺遠僧來少橋危客過

一作到

稀不聞碓杵動應解剪

集作  
製荷衣

贈裴處士

前人

為儒白髮生鄉里早聞名煖酒雪初下讀書山欲

集作未

明字形翻鳥跡詩調合猿聲門外滄浪水知君欲濯纓

送

集作別

韋處士

前人

南北斷蓬飛別多相見稀更傷今日鬢

集作酒

未換昔時

集作年

衣舊友幾人在故鄉何所

集作處

歸秦原向西路雲

晚雪霏霏

此詩二百八十八卷重出今已削去

將赴京師留題孫處士山居二首

前人

西巖有高興路僻幾人知松蔭花開少

集作晚

山寒酒熟

遲遊從收

集作隨

野鶴休息過

集作過

靈龜長見隣翁說容

華似舊時

二

草堂近西郭遥對鏡

集作敬

亭開枕膩海雲起簾凉山雨

來高歌懷地肺遠賦憶天台應笑

集作學

相如志終須駟

馬廻

寄昭亭揚處士

集作寄陽陵處士

前人

舊隱青山紫桂陰一書迢遞寄歸心謝公樓上晚花發

集作盛

揚子宅前春草深吳岫雨來溪鳥浴楚山

集作江雲

暗嶺猿吟野人寧負滄洲伴會待吹竽定至音

題獨孤處士村居

薛逢

江上園廬荆作扉男驅耕犢婦鳴機林巒當戶蔦蘿暗  
桑柘繞村薑芋肥幾畝稻田還謂紫兩間茆舍亦言歸  
何如一被風塵染到老云云相是非

處士盧岵山居

溫庭筠

西溪問樵客，遙識楚人

集作主人

家古樹老連石，急泉清露

沙千峰隨雨暗，一逕入雲斜。日暮鳥飛散，滿山麩麥花。

題陳處士幽居

前人

松軒塵外客，高竹

集作枕

自蕭疎。雨後苔侵井，霜來葉滿

渠。閒看鏡湖畫，時得越僧書。若待前溪月，誰人伴釣魚。

題李處士幽居

前人

水玉簪頭白

一作戴

角巾瑤琴寂，歷拂輕塵穠。陰似帳紅

薇晚細雨如煙碧草春

一作新

隔竹見籠疑有鶴捲簾看

畫更無人南窓

集作山

自有忘機

集作年

友谷口空稱鄭子

真

此詩三百十八卷重出今已削去

題李羽處士寄新醞走筆戲酌

前人

高譚有伴還成藪沉醉無期即是鄉已恨流鶯欺謝客  
更將浮蟻與劉郎簷前柳色分張綠窓外花枝借助香



所恨玳筵紅燭夜草玄寥落近廻塘

處士隱居

張祐

斜日半飛閣高簷

集作簾

輕翳

一作翳速

空清香芙蓉水碧冷

琅玕風絕岸派沿泐修廊趾崇隆唯當餌仙朮坐作朱

顏翁

送鄭台處士歸絳巖

方干

榮啟先生挾琴去厭尋靈勝憶巖栖白猿啼

集作垂

樹窓

邊月紅鯉驚鈎竹外溪慣採藥苗資素饌曾書蕉葉寄

新題古賢猶愴河梁別未可忽忽便解携

書桃花塢周處士壁

前人

醉吟雪月思彌苦思苦神勞白

集作新

髮生自學古賢修

靜節唯應野鶴識高情細泉出石飛難盡孤燭和雲濕  
不明何事懶於嵇叔夜更無書信

集作札

荅公卿

贈黃處士

前人

閉戶先生無是非竹灣松榭藕絲衣愁吟密雪思難盡

醉倒落

集作殘

花扶不歸若出薜蘿迎鶴簡應隨舴艋別

漁磯到頭苦節終何益空改文星作少微

贈中巖王處士

前人

垂楊裊裊草芊芊氣象清深集作虛似洞天援筆便成鸚

鵝賦洗花亦集作須用桔槔泉商於避世堪同日渭叟集作

曲逢時必有年直恐肺集作剛腸閒不集作未得醉吟爭柰

被才牽

送房處士閒遊

李羣玉

注集作採藥陶貞白尋山許遠遊刀圭藏妙用巖洞契冥

搜花竹

集作月

三湘水琴樽一葉舟  
羨君隨野性

集作

長

謝稻梁愁

贈包處士

李洞

愁思枕月卧瀟湘  
寄宿慈恩竹

集作寺

裏房性急還

集作却

於碁上慢身閒  
未免藥中忙  
休拋手網驚龍  
睡曾挂頭

巾拂烏行聞說石門君  
舊隱寒峰

集作風

濺瀑壞書堂

虎丘寺贈漁處士

趙嘏

蘭若雲深處  
前年客重過  
岩空秋色動  
水濶夕陽多  
早

負江湖志今如鬢髮何唯思閒勝我釣艇在煙波

送常處士歸省朔方

前人

映柳見行色故山當落暉青雲知己歿白首一身歸滿袖蕭闌雨連沙塞鴈飛到家翻有喜借取老萊衣

贈曹處士幽居

前人

勾漏先生冰玉然曾將八石問群仙中山暫醉一千日南苑住來三百年碁局不收花滿洞霓旌欲別浪翻天何須更學鴟夷子頭白江湖一短船

新秋雨霽宿王處士東郊 馬戴

夕陽逢一雨，夜雨洗清陰。  
露氣竹窓靜，秋光雲月深。  
煎嘗靈藥味，話及故山心。  
得意兩不寐，微風生玉琴。

送胡處士歸湘南 李頻

見話荆湘切，長愁有去時。  
江湖秋涉遠，雷雨夜眠遲。  
舊業多歸興，空山盡老期。  
天寒一瓢酒，落日擬留誰。

秋晚訪李處士所居 皮日休

門前裊水碧，潺潺靜釣歸。  
來不掩關書，閣鼠穿厨麓。  
破

竹園霜後桔槔閒  
兒童不許驚幽鳥  
藥草須教上假山  
莫為愛詩偏念我  
訪君多得醉中還

李處士郊居

前人

石衣如髮小

一作水

溪清溪上柴門架  
樹成園裏水流澆

竹響窻中人靜下  
棋聲幾多狎鳥皆  
諳性無限幽花未  
得名滿引紅螺詩  
一首劉禎失却病  
心情

送陸處士

張喬

罇前放浩歌便起

一作處

泛烟波舟楫故人  
少江湖明月

多孤峯經宿上僻寺共雲過若向僊巖住還應著薜蘿

送韓處士歸少室山

前人

江外歷千岑還歸少室吟地閒緱嶺月窓迥洛城砧石

竇垂寒

一作新

乳松枝長別琴他年瀑泉下亦擬置家林

西蜀淨衆寺松溪八韻寄水筆崔處士

鄭谷

松因溪得名松吹蒼溪聲繚繞能穿寺幽竒不在城寒  
煙齋後散春雨夜中平染岸蒼苔古翹沙白鷺明澄分



僧影瘦光徹客心清帶梵侵雲響和鐘激石鳴淡烹新茗爽煖泛落花輕此景窮一作吟難盡憑君畫入京

蔡處士

前人

無著復

集作更

無求平生不解愁鶻蔬貧淨潔中酒病風

流旨趣陶山相詩篇沈隱侯小齋江色裏籬柱繫漁舟

梁燭處士辭金陵相國杜公歸舊山因以寄贈

前人

相庭留不得江野有苔磯兩浙尋山遍孤舟載鶴歸世

間書讀盡僧

集作雲

外客來稀諫署搜賢急應難惜布衣

長安夜坐寄懷湖外嵇處士 前人

萬里念江海浩然天地秋風高羣木落夜久數星流鐘

絕分宮漏螢微隔御樓

集作溝

遙知

集作思

洞庭上蒂露滴

漁舟

寄贈楊夔處士

前人

結茅依約釣魚臺  
濺水鷓鴣去又迴  
春卧甕邊聽酒熟  
露吟庭際待花開  
三江勝景遨遊遍  
百代羣書講論

集作

貴  
來國步未安風雅薄可能高尚抑天才

此詩二百六十四卷重出今已削去

題仇處士郊居

棄官卜居

杜荀鶴

江南景簇好

集作此

林亭手板藍裾自可輕洞裏客來無

俗話郭中人到有山情閒拋

集作敲

巖果呼猿接時釣溪

魚引鶴爭笑我有詩三百首馬蹄終日急於名

憶張處士

王貞白

天台張處士詩句造玄微古樂知音少名言與俗違山

風入松徑海月上巖扉畢世唯高卧無人說是非

常曲杜處士新居

羅隱

翠斂王孫草荒誅宋玉茅冠餘無故物時薄少深交迸

笋穿

集作  
侵

行逕飢雛出壞巢小園吾亦有多病近來拋

酌張

集作  
章

處士見寄

前人

中原甲馬未曾安今日逢君事萬端亂後幾回鄉夢隔  
別來何處路行難霜鱗共落三門浪雪鬢同歸七里灘  
何必新詩更相戲小樓吟罷暮天寒

早春送處士張坤歸汴州

集作  
大梁

前人

蕭蕭羸馬正塵埃，又送歸軒向吹臺。  
別酒莫辭今夜醉，故人知是幾時來。

集作  
迴

泉經華嶽猶應凍，花到梁園始

合開。為謝東門抱關吏，不堪惆悵滿離盃。

此詩又見二百八十三卷

贈鏡湖處士方干二首  
曹松

包含教化剽搜羅，句出東甌柰峭何。  
世路不妨平處少

才人唯是屈聲多雲來島上便幽石月到湖心忌白波  
後輩難為措機杼先生織字得龍梭

二

祇擬應星眠越絕唯將麗什當高勲磨礱清濁人難會  
織絡虛無帝亦聞鳥道未知山足雨漁家已沒鏡中雲  
他時莫為三徵起門外沙鷗解笑君

再訪陸處士

前人

萬卷書邊人半白再來惟恐降玄纁性靈比鶴爭多少

氣力登山較幾分吟鬢漸無前度漆寢衣猶有昨宵雲  
將知谷口耕烟者低視齊梁楚趙君

題任處士修精舍

魚元機

幽人初竒境遊客寄

一作駐

行程粉壁空留字蓮宮未有

名鑿池泉自出開逕草重生百尺金輪閣當川豁眼明

山人

寄鄭霍二山人

王維

翩翩繁華子多事

集作出

金張門幸有先人業早逢

集作蒙

明主恩同

集作童

年且未學肉食驚華軒豈乏中林士無

人薦至尊鄭生老泉石霍子安丘樊賣藥不二價著書  
盈萬言息陰無惡木飲水必清源吾賤不及議斯人竟

誰論

遊李山人所居因題屋壁

前人

世上皆如夢狂來或自歌問年松樹老有地竹陰

集作林

多藥倩韓康賣門容尚子過翻嫌枕席上無那

集作索

白

雲何



寄張十二山人彪

杜甫

獨卧嵩陽客三違

一作逢

潁水春艱難隨老母慘澹向時

人謝氏尋山屐

一作屐

陶公

一作潛

漉酒巾羣兇彌宇宙此

物在風塵歷下辭姜被關西得孟隣早通交契密

一作澗

晚接道流新靜者心多妙先生藝絕倫草書何太

一作甚

古詩興不無神曹植休前輩張芝更後身數篇吟可老  
一字買堪貧將恐曾防寇深潛託所親寧聞倚門夕盡  
力潔飧晨踈懶為名悞驅馳喪我真素居猶寂寞相遇

益酸

一作  
愁

辛流轉依邊徼逢迎念席玆時來故舊少亂

後別離頻世祖修高廟文公賞從臣商山猶入楚源

一作

湍水不離

一作  
流

秦存想青龍秘騎行白鹿馴耕巖非谷

口結草即河濱肘後符應驗囊中藥未陳旋懷

一作  
懷賢

殊

不愜良覲渺無因自古皆悲恨浮生有屈伸此邦今尚

武何處且依仁鼓角凌天籟關山信月輪官場羅鎮磧

賊火近洮岷蕭瑟

一作  
索

論功

一作  
兵

地蒼茫鬪將辰大軍

多處所餘孽尚紛綸高興知籠鳥斯文豈

一作  
起

獲麟窮

秋正搖落迴首望松筠

送范山人歸太山

李白

魯客抱白鶴別余往太山初行若片雪杳在青崖間高  
高至天門海日近可攀雲生望不及此去何時還

送楊山人歸嵩山

前人

我有萬古宅嵩陽一作山玉女峯長留一片月掛在東溪

松爾去掇仙草菖蒲花紫茸歲晚或相訪青天騎白龍

下終南山過斛斯山人宿置酒

前人

暮從碧山下山月隨人歸却顧所來逕蒼蒼橫翠微相  
携及田家稚子開荆扉綠竹入幽徑集作  
援青蘿拂行衣  
歡言得所憇美酒聊共揮長歌吟松風曲盡河星稀我  
醉君復樂陶然共忘機

送鄭山人還廬山別業

劉長卿

潯陽數畝宅歸卧掩柴關谷口何人待一作  
在門前秋草

閒忘機賣藥罷揮手一作  
不語杖藜還舊筓成寒竹空齋向

暮山水流經

一作過

舍下雲去

一作起

到人間桂樹花應發

因行寄一攀

此詩二百七十卷重出今已削去注異同為一作

送朱山人放歸山陰

見三百十八卷

入白沙渚黃緣二十五里至石室山下懷天台

陸山人

前人

遠嶼藹將夕翫幽行自遲歸人不計日流水閒相隨輟

棹石

集作古

崖口捫蘿春景熙偶因廻洲次寧與前山期

對此瑤草色懷君瓊樹枝浮雲去寂寥

集作冥

白鳥相

集作

來

因依何事愛高隱但令勞遠思窮年卧海嶠永望愁

天涯吾亦從君

一作此

去扁舟何所之迢迢江上帆千里

東風吹

宿關西客舍寄東山嚴許二山人時天寶初七

月初三日在學見有高道舉徵

岑參

雲送闕西雨風傳渭水秋孤燈燃客夢寒杵擣鄉愁灘

上思嚴子山中憶許由蒼生今有望飛詔下林立

寄華陰山人李岡

前人

君隱處當一星蓮花峯頭飯黃精仙人掌上演丹經鳥  
可到人莫攀隱來十年不下山袖中短書誰為達華陰  
道士賣藥還

送楊山人歸嵩陽

高適

不到嵩陽動十年舊家一作時心事已徒然一二故人不

復見三十六峯猶眼前夷門二月柳條色流鶯數聲淚

沾臆鑿井耕田不我招知君以此忘帝力山人好去嵩  
陽路唯余眷眷長相憶

送常山人

二字集作  
邕少府

歸鍾山別業

李嘉祐

旗亭閱書罷

集作祈門  
官罷後

負笈向桃源萬卷長開帙千山

不掩

集作岑  
不閉

門綠楊垂野渡

一作  
徑

黃鳥傍山村念爾能

高枕丹墀會一論

此詩二百七十卷重出今已削去



送陸鴻漸山人採茶迴

皇甫曾

千峯待逋客，香茗復叢生。  
採摘知深處，煙霞羨獨行。  
幽期山寺遠，野飯石泉清。  
寂寂燃燈火，相思一磬聲。

贈強山人

郎士元

或棹孤舟，或杖藜尋常適。

集作隨

意釣前溪草堂竹，  
逕在

何處落日孤煙寒渚西。

送王山人歸別業

集作送元晟  
歸潛山所居

皇甫冉

深山秋事

間氣集  
作意

早歸去意

集作  
復

何如浥露收新稼迎

寒葺舊廬題詩即招隱作賦足

集作  
是

閒居別後空相憶

嵇康懶寄書

集作  
讀書

此詩二百七十二卷重出今已削去

送李山人還

前人

從來無檢束只欲老煙霞雞犬聲相應深山有幾家

送李山人還玉溪

顧况

好鳥共鳴臨水樹幽人獨欠買山錢若為種得千竿竹

引取君家一眼泉

贈題常山人

耿 漳

失意成逋客終年獨掩扉無機狎鷗慣多病見人稀  
流水知脩一作行藥孤雲伴採薇空齋暮還坐心事與時違

奉和張大夫詔高山人

司空曙

野客居鈴閣重門將校稀豸冠親設弁龜印織集作荷識

衣坐久寒泉集作爽談餘暮角微蒼生須太傅山在豈

容歸

送麴山人往

集作  
位

衡山

前人

白石先生眉髮老

集作  
光

已分紺

集作  
甜

雪飲紅漿衣巾半

染煙霞色

集作  
氣

語笑兼和藥草香茅洞玉聲流暗水衡

山碧氣

集作  
色

映朝陽十年城郭如相問華表我我有夜

霜

文苑英華卷二百三十一

欽定四庫全書

集部

文苑英華卷二百三十二至  
四

詳校官太僕寺少卿臣李廷欽

助教臣常循覆勘

總校官進士臣朱鈺

校對官編修臣盧燧

謄錄監生臣張士琛

欽定四庫全書

文苑英華卷二百三十二

宋 李昉等 編

隱逸三

山人三十三首 隱士四十二首

山人

送侯山人赴會稽

崔峒

仙客辭蘿月東來就一官且歸滄海住猶向白雲看猿  
叫江天暮蟲聲野浦寒時遊鏡湖裏為我把魚竿

禁中送任山人

此人自青城獻伏火諸石  
思命令於木山更取大還

李泌

子去非長遠君恩取大還補天留彩石縮地入青山獻

壽千春

一作  
年

外來朝數月間莫拋殘藥物竊欲駐童顏

行藥前軒呈董山人

盧綸

不覺老將至瘦來方自驚朝昏多病色起坐有勞聲體

一作  
膝

暖苦肌癢藏虛唯耳鳴桑公富靈術一為保餘生

早行寄朱山人放

戴叔倫

山集作風曉旅人去天高秋氣悲明河川上沒芳草露中

衰集作滋此別又萬集作十里少年能幾時青冥詩選作心知刻

溪路集作遠心與謝公期詩選作聊且寄前期

贈李山人唐

前人

此意無所欲集作靜無事閉門風景遲柳條將白髮相對共

垂絲

酬秦山人出山見呈

釋皎然

手携酒榼共書幃迴語長松我即歸若是出山機更一作



亦  
息嶺雲何事背君飛

尋李山人不遇

王 建

山客長閒少在時  
溪中放鶴洞中碁  
生金有氣尋還遠

仙藥成窠見即移  
莫為無家陪寺宿

一作食

應緣將米寄

人炊從頭石上留  
名去獨向峯前問  
老師

太山

集作白

老人

張 籍

日觀東邊

集作峯

幽客住竹中  
藤帶亦逢迎  
暗脩黃籀無

人見深種胡麻  
共犬行洞裏  
仙家常獨往  
壺中靈藥自

為名春泉四面遠

一作西  
遠南非

茅屋日日唯聞杵臼聲

池上贈山人常君

白居易

新竹夾平流新荷拂小舟  
衆皆嫌拙好誰肯伴閒遊  
客為忙多去僧因飯暫留  
猶憐常處士盡日共悠悠

題施山人野居

前人

得道應無着謀生亦不妨  
春泥秧稻暖夜火焙茶香水  
巷風塵少松齋日月長  
高閒真是貴何處覓侯王

贈王山人

前人

聞君減寢食日聽神仙說暗待非常人  
潛求長生訣言長本對短未離生死  
轍假使得長生纔能勝夭折松樹  
千年朽槿花一日歇畢竟共虛空  
何須誇歲月彭殤徒自異生死終  
無別不如學無生無生即無滅

送孫山人

姚合

山人言語質住世恨多時

集作山翁來帝里不肯住多時

塵土衣裳重

腥羶僕隸肥林中愁不到城外老應遲  
誼寂一為

集作離

別相逢未有期

寄崔之仁山人

前人

百門陂

集作坡

上住石屋兩三間日月難教化

集作老

妻兒

乞與閻仙方

集作經

揀客示

集作問

酒價

集作藥債

煮金還何計

能相引

集作訪

終身得在山

贈王隱山人

于武陵

石室掃無塵人寰與此分飛來南浦樹半是華山雲浮  
世幾多事先生應不聞寒川滿西日空照鴈成羣

送褚山人歸日本

賈島

懸帆待秋色人去杳冥間東海幾年別中華此日還岸  
遙生白髮波盡露青山隔水相思在無書也是閒

贈劉山人

前人

二十年中服

集作  
餌

茯苓致書半是老君經東都舊住商

人宅南國新脩道士亭鑿井

集作  
石

養蜂休買蜜坐山秤

藥不爭星古來隱者多能卜欲就先生問丙丁

送朴山人歸日本

釋無可

海際晚帆開應無鄉信催水從荒外積人指日邊迴望

國乘風久浮天絕島來儻因華夏使書禮

疑作札

轉悠哉

送耿山人歸湖南

周賀

南行隨越僧別業幾池菱兩鬢已垂白

一作雪

五湖歸挂

昏夜濤鳴柵鎖寒葦露船燈去此已無事却來知未能

曉別呂山人

劉得仁

曉鐘兼漏盡曙色照青氛棲鶴出高樹山人歸白雲月

盈

集作明

期重宿丹熟

集作就

約相分羨入秋風洞幽泉子

細聞

別王山人

前人

音甘雖

集作甘  
音遂

自足未是祿榮親尚逐趨時伴多離有

道人山居衣以

集作  
似

草生計藥隨

集作  
兼

身不食長無疾

集作  
病

年知出

一作  
過

十句

集本皆不及此詩

贈陶山人

前人

處士例營營唯君縱此生閒能資壽考健不換公卿藥  
圃妻同耨山田子共耕定知丹熟後無姓亦無名

送祖山人歸山

前人

偶來朝市笑浮雲，却憶烟霞出帝城。  
不說金丹能點化，空教弟子學長生。  
壺中瀉酒看雲飲，洞裏逢師下鶴迎。  
料得仙家玉牌上，已鐫白日上昇名。

贈王山人

許渾

賞酒携琴訪我頻，始知城郭

集作市

有閒人。君臣藥在寧

憂病子母錢成，豈患貧年長。每勞推甲子，夜寒初共守。  
庚申近來聞說燒丹處，玉洞桃花萬樹春。



送徐山人歸睦州舊隱

雍陶

君在桐廬何處住，草堂應與戴家隣。初歸山犬翻驚主，

久別沙

集作江

鷗却避人終日，欲為相逐計臨歧。

集作當時

空

羨獨行身，秋風釣艇遙堪憶。七里灘西片月新。

送朴山人歸新羅

集作海東

馬戴

浩渺行無極，揚帆但信風。雲山過海畔，

集作半

鄉樹入舟

中。波定遙天出，沙平遠岸窮。

集作蒙

離心寄何處，目斷曙

霞東

題桐廬謝逸人

一作題廬  
峯謝山人

江居

方干

少小高眠

一作  
民

無一事五侯勲盛欲如何湖邊倚竹寒

吟苦石上橫琴夜醉多鳥自樹梢隨果落人從窓外卸  
帆過由來朝士為真隱可要棲身向薜蘿

贈唐山人

李洞

垂鬚長我髮七十黑如鬢醉眼青天小吟情太華低房  
烘離海日舟陷落潮泥邛蜀路無限往來琴自一作  
獨携

送劉山人歸洞庭

李頻

去意無人會唯應道是從半湖乘早月中路入踈鐘秋  
盡戶蟲急夜深山雨重當時將隱者分得幾株松

題簡山人

張喬

名利了無時何人暫詣師道情閒外見心地興來知竹  
落穿窻葉松寒蔭井枝匡山許同社願卜挂帆期

贈別李山人

前人

分合老西秦年年夢白蘋曾為洞庭客還送洞庭人語

別惜殘夜思歸愁見春滄浪濯纓處應念滿衣塵

集作  
遠知

泊舟處沙  
月自相親

送謝山人歸江夏

陳陶

黃鶴春風三千里山人佳期碧江水携琴一醉楊柳堤  
日暮龍沙白雲起

尋九華王山人

楊夔

下馬扣荆扉相尋春半時捫蘿盤磴險疊石渡溪危松  
夾莓苔逕花藏薜荔籬卧雲情自逸名姓厭人知

題鄭山人郊居

前人

谷口今逢避世才，入門瀟灑絕塵埃。  
漁舟下釣乘風去，藥醞留賓待月開。  
數片石從青嶂得，一條泉自白雲來。  
竹軒相對無閒語，盡日

一作肆日

南山不欲迴

隱士

招隱士逍遙公帝叟

周明帝

六爻貞遁世，三辰光少微。  
頻陽讓逾遠

一作穎陽去猶遠

滄洲

去一作遂不歸坐石窺仙洞，  
槎下釣磯嶺松千仞直巖

泉百丈飛香動秋蘭佩風飄蓮葉衣聊登平樂觀遙想

首陽薇詎

一作儻

能同四皓來叅余萬幾

一作皆藝文類聚

奉和趙王隱士

王褒

鳧鵠均長短鵬鷄共逍遙清襟蘊秀氣虛席滿風颺斷  
絃唯續葛獨酌只傾瓢菖蒲九重節桑薪七過燒

同前

庾信

洛陽徵五隱東都別二賢雲氣浮函谷星光集潁川灞

陵採樵路

一徑

成都賣卜錢鹿裘披稍裂藜床坐欲穿

阮籍推

類聚作唯

長嘯嵇康訝一絃澗險無平石山深足細

泉低松猶百尺

一作丈

少鶴已千年野鳥繁絃嘒山花焰

火然洞風吹戶裏石乳滴窻前雖無亭長識終見野人船

奉報窮秋寄隱士

前人

王倪逢齧缺桀溺耦長沮藜床負日卧麥隴帶經鋤自  
然曲木几無名科斗書聚花聊飼雀穿池試養魚小徑

類聚作村

治澁路低田補壞渠秋水牽沙落寒藤抱樹踈空

枉平原騎來過仲蔚廬

留贈山中隱士

周宏讓

行行訪名嶽處處必留連遂至一巖裏灌木上參天忽

見茅茨舍暖暖

類聚作  
暖

有人煙一士開門出一士呼我

前相看不道姓誰

類聚  
作馬

知隱與仙

策杖尋隱士

王績

策杖尋隱士行行路漸賒石梁橫澗斷土室映山斜孝

然疑

集作  
縱

有舍威輦遂無家置酒燒枯葉披書坐落花



新垂滋水釣舊結茂陵置歲歲長如此方知輕世華

春日與裴迪過新昌里訪呂逸人不遇

王維

桃源一向絕風塵柳市南頭訪隱淪到門不敢題凡鳥  
看竹何須問主人城外青山如屋裏東家流水入西隣

閉戶看

集作著

書多歲月種松皆老作龍鱗

集作皆作老龍鱗

尋白鶴巖張子容

一作顏

隱居

孟浩然

白鶴青巖半幽人有舊

集作  
隱

居階庭空水石林壑罷樵

漁歲月青松老風霜苦竹餘

集作  
踈

覩茲懷舊業杖

集作  
回

策返吾廬

望終南山寄紫閣隱者

李白

出門見南山引領意無限秀色難為名蒼翠日在眼有

時白雲起天際自舒卷

一作  
捲

心中與之然託興每不淺

何當造幽人滅跡栖絕巘

尋龍井楊老

劉長卿

柴門草舍絕風塵空谷耕田學子真泉咽豈勞經隴地

集作  
坻

山深不覺有秦人手栽松樹蒼蒼老身卧桃源寂

寂春唯有胡麻當鷄黍白雲來往未嫌貧

山行尋

一作尋  
西山

隱者不遇

丘為

絕頂一茅茨直上三十里叩關無僮僕窺室唯案几既

一作  
若

非巾柴車應是釣秋水差池不相見僂俛空仰止

草色新雨中松聲晚窻裏及茲契幽絕自足盪心耳雖

無賓主意頗得清淨理興盡方下山何必見

一作  
待

夫子

一作皆文粹

送溫逸人

錢起

垂白

集作  
隱几

無名老何年此陸沈丘園應得性婚嫁不

縈心歲計因山薄霞棲在谷深設置連草色曝藥避

松

集作  
背松

陰觸興雲生岫隨耕鳥下林搯頤笑來客頭

上有朝簪

此詩三百十七卷重出今已削去

送韋逸人歸鍾山

郎士元

逸人歸路遠弟子出山迎服藥顏猶駐耽書癖已成柴  
扉多歲月藜杖見公卿更作儒林傳應須載姓名

五老峰大明觀贈隱者

姚係見文粹

雲觀此山北與君携手稀林端涉橫水洞口入斜暉乍  
覺鸞鶴邇忽為煙霧飛故人清和客默會琴心微丹術  
幸可授青龍當未歸悠悠平生意此日復相違

隱士

孟郊

本末一相返漂浮不還真山野多餒士市井無飢人虎

約忌當道麋鹿知藏身奈何貪競者日與患害親顏貌

歲歲改利心朝朝新孰知富生

一作者

禍取富不取負寶

玉忌出璞出璞先為塵松栢忌出山出山先為薪君子

隱石壁道書為我隣寢興思其義

一作載源

淡泊味始珍陶

公自放歸尚平去

一作正

有依草木擇地生禽鳥順性飛

青青與冥冥所保各不違

和盧常侍寄華山鄭隱者 張 籍

獨憶

集作坐

三峯下年深學鍊丹一間松葉屋數片蘓

集作

石花冠酒待山中飲琴將洞內

集作裏又作口

彈開門移遠竹

剪草出幽蘭荒壁通泉架晴崖曬藥壇寧知騎省客長

向白雲看

寄紫閣隱者

前人

紫閣氣沉沉先生住處深有人時得見無路可相尋野

集作夜

鹿伴茅屋秋猿

一作園非

守栗林唯應採靈藥更不別

經心

集作營心又作相侵

贈隱者

前人

先生已得道市井亦容身救病自行藥得錢多與人問

年常

一作長

不定傳法又非真每

一作常

見隣家

一作翁

說時

聞

一作時

使鬼神

此詩二百二十九卷重出今已削去注異同為一

作

贈新辟穀者

前人

學得滄霞法逢人與小還身輕堪集作曾試鶴力弱未登

集作離

山無食犬猶

一作常

在不耕牛自閒朝朝唯盥漱

集作



空漱  
水 叩齒草堂間

寄邢逸人

鄭常

羨君無外事日與世情違地僻人稀一作難到溪深鳥自

飛儒衣荷葉老野飯藥苗肥疇昔江湖意如今憶共歸

贈隱者

已見二百二十八卷

于鵠

懷西峰隱者

周賀

萬木藏峰色天寒望即愁高源何日去遠瀑入城流臘

近音

一作溪

書絕燈殘雪霰

一作夜雪

稠還當相憶處枕上苦

吟休

送孫逸人

賈島

衣屨

集作履

猶同俗妻兒亦宛然不食能累月無病已多

年是藥皆諳性令人漸信仙杖頭書數卷荷入翠微煙

懷紫閣隱者

前人

寂寥思隱者孤竹

集作燭

坐秋霖梨栗猿喜熟雲山僧說

深寄書應不到結伴擬同尋廢寢方終夕迢迢

一作沉紫

閣心

題隱者居

前人

雖有柴門長不關  
片雲孤木伴身閒  
猶嫌佳久人知處  
見擬移家更上山

題孫逸人山居

杜牧

長懸青紫與芳枝  
塵刹

一作世

無因免別離  
馬上多於在

家日罇前堪憶少年時  
關河客夢還鄉遠  
雨雪山程出店遲  
却羨高人終此老  
軒車過盡不知誰

送隱者

前人

無媒逕路草蕭蕭自古雲林遠市朝公道世間唯白髮  
貴人頭上不曾饒

寄題商洛王隱士居

許渾

近逢商洛客知爾住南塘草閣平春水柴門掩夕陽尋

蜂收野蜜隨麝拾

集作採

生香更憶前年別

集作醉

松花滿

石床

題終南山隱者居

姚鵠

開門絕壑旁躡藓過花梁路入峯巒影風來芝朮

集作草

香夜吟明雪牖春夢閉雲房盡室更何有一琴共一觴

寄終南山隱者

薛能

海日東南出應開嶺上扉掃壇花入簞科竹露霑衣飯  
後嫌身重茶中見鳥歸相思愛名者難說與親違

贈隱者

前人

自得高閒性平生向此棲月潭雲影短

集作  
斷

山葉雨聲

齊庭樹人書匣攔花鳥坐低相留永不望

集作  
忘

經宿話

丹梯

嵩陽隱者

李頻

當門看少室倚杖復披衣每日醒還醉無人  
是與非架書抽讀亂庭果摘嘗稀獨有江山  
客思家未得歸

贈隱者

溫庭筠

茅堂對薇蕨爐煖一裘輕醉後楚山夢覺來  
春鳥聲採茶溪樹綠煮藥石泉清不問人間  
事忘機過此生

贈華山

集作陰

隱者

方干

少微夜夜當仙掌更有何人在此居花月  
舊交看浴鶴

松蘿本主

集作  
自

伴刪書素琴醉後

集作  
去

經宵枕衰髮寒

來向日梳故國多年歸未遂因逢此地憶吾廬

送隱者歸羅浮

李羣玉

春山杳杳日遲遲路入雲峯白犬隨兩卷囊

一作  
素

書留

賞酒一柯樵斧坐看菴蓬萊道士飛霞札清遠仙人寄  
好詩自此塵寰音信斷山川風月永相思

題嵩高隱者居

鄭谷

豈易訪仙蹤雲蘿千萬重他年來卜隱此境願相容亂

水林前

集作中

路深山望

集作雪

裏鐘見君琴酒樂迴首興

何慵

送張逸人

前人

人間踈散更無人浪兀孤舟酒兀身  
蘆笋鱸魚拋不得五陵珍重五湖春

避世翁

陳陶

海上一蓑笠終年垂釣絲  
滄洲有深意冠蓋何由知  
直釣不營魚蝸室無妻兒  
渴飲寒泉水飢食紫靈一作木芝



鶴髮披兩肩高懷如澄陂嘗聞仙老言云是古鷓夷石  
竇閔雷雨金潭養蛟螭乘槎上玉津騎鹿遊峨嵋以人  
為語默與世為雄雌茲焉乃磻溪豹變應須時自古隱  
淪客無非王者師

題袁溪張逸人所居

羅隱

蒲梢獵獵鷺差池數里溪光日落時芳草

集作樹

文君機

上錦遠山孫壽鏡中眉雞窻夜靜開書卷魚檻春深展  
釣絲若使浮名拘絆得世間何處有男兒

寄南城常逸人

前人

杜甫詩中常曲花至今無賴尚家家美人曉折露沾袖  
公子醉歸香滿車萬里丹青傳不得二年風雨恨無涯  
羨他南澗高眠客春去春來任物華

寄喬逸人

前人

南經湘水

集作浦

北揚州別後風帆幾度遊春酒誰家禁

爛漫野花何處最淹留欲憑尺素邊鴻懶未定雕梁海

鶯愁長短此行須入手更饒君占一年休

集作秋

羅浮山下書逸人壁

曹松

海上亭臺山下煙  
買時幽邃不爭錢  
莫言白日催華髮  
自有丹砂駐少年  
漁釣未歸深竹裏  
琴壺猶戀落花邊  
就中更踐無人境  
知是羅浮第幾天

文苑英華卷二百三十二